

Protocol no. 30
Sezzüda da mardi, 14 avuost 2012, 19.00 – 22.30

Preschaints: Albert Mayer, Marianne Werro-Lehmann, Andri Poo, Men Caviezel, ed Angelo Andina (protocol)

S-chüsà: Dumeng Jann

Protocols

Il protocols no. 28 e 29 vegnan approvats cun ün pêr pitschens adattamaints.

219 012 EXECUTIVA
Charta Pensiun Aldier, Sent

Sar K. Gross invida al Cussagl cumünal i'l nom da la pensiun Aldier ad üna visita. El less muossar il progress da la fabrica ed orientar, che chi dess succeder in avegnir cun la chasa e che collecziun d'art chi's installescha a Sent. Il cussagl prevezza sco termin da la visita l'ündeschi, 27 avuost 2012, la bunura a las 08.00 pro la pensiun Aldier.

220 340.503.03 Plazzal da sport
Dumonda per l'adöver da la piazza da sport

La "giuvSentüm" inoltrescha la dumonda per l'adöver da la piazza da sport. La giuventüna vuol organisar ün turnier da ballarait, sco eir ün turnier da ballapè per la populaziun da Sent. Quai in occasiun dal giublieum da tschinch ons. La società fa la dumonda pels 15 settember 2012. Previs esa eir da manar ün'ustaria cun gril vi pel di e la saira üna pitschna festa cun musica. Il turnier düra da sondà ca. las 09.00 fin las 21.00h e schi fa dabsögn eir amo dumengia da las 10 fin las 16.00h.

Il Cussagl cumünal stima l'iniziativa da la giuventüna e conceda il permiss per l'adöver da la piazza da sport d'ürant ils temps indichats. Reguard la festa in sonda saira, sto la società sclerir culs possessurs da las chasas vaschinas la d'ürada e confermar invers il cumün il temp, fin a las quantas cha la festa düra.

221 860.503.04 Trafo Chavorgia
Decisiun dal lö e lavurs da progettaziun

Il preventiv da la chascha cumünala prevezza ün import da fr. 320'000.--, scumparti süls ons 2012 e 2013, per la fabrica d'ün transformatur da la forza electrica. Il transformatur dess gnir installà sün la parcella no. 2006 (Chavorgia), in possess dal cumün. Il Cussagl es perinclet cul lö. Las lavurs dessan gnir surdattas da man liber, vuol dir sainza proceder da submitiun. Il proceder inavant es uossa il seguaint: Andri Poo inoltrescha ün'offerta per las lavurs da progettaziun e prepara la documainta per las offertas dals impressaris.

222 620

VIAS E PLAZZAS

Mür da sustegn via da Scoula; lavurs da progettaziun

Il mür da sustegn pro la via da Scoula pro la parcella no. 59 (Johann Martin Taverna) sto gnir refat. I's tratta da var 32 m², quai chi cuostess var 25'000 francs e stess in cumpetenzza finanziaia dal Cussagl cumünal. Tenor sco as pudessa eir güsta renovar il mür sün l'otezza da la chasa Bommer. Andri Poo vain incumbenzà, da calcular ils cuosts ed dad organisar las lavurs sco eir da pisserar per las offertas. Las lavurs dessan gnir realisadas magare in redschia dad impressaris in cumün.

223 012

EXECUTIVA

Radunanza "Allianza illas Alps"

La radunanza generala internaziunala da l'Allianza illas Alps ha lö quist on a Poschiavo i'l rom da l'eivna da las Alps chi düra dals 5 fin als 8 settember 2012. Il program as po consultar sün la pagina d'internet www.alpenallianz.com. La radunanza generala ha lö in sonda bunura, 8 settember da las 10.30 fin a las 12.30. Il program da l'eivna da las Alps es interessant ed i füss magare da stübgjar da tour part tuot ils trais dis. Pel cumün da Sent piglian part il respunsabel Jon Carl Rauch e Men Caviezel sco delegà dal Cussagl cumünal.

224 900

IMPOSTAS CUMÜNALAS

Cunvegna uffizi d'impostas Scuol e contuorns

Causa cha'l cumün da Tschlin nu faiva fin uossa part a la cunvegna regiunala d'impostas, sto il contrat gnir adattà e sancziunà dals cumüns chi fan part. Quai, davo cha Tschlin ha fusiunà cun Ramosch. Il cumün da Valsot vain uossa integrà i'l contrat. Il Cussagl va daperüna qun quist müdamaint. Il capo e l'actuar ad hoc vegnan incumbenzats, da suottascriber la cun-vegna in merit.

225 830

TURISSEM

100 ons Viefier retica, lingia Bever-Scuol/Tarasp

L'on 2013 festagischa la Viefier retica il giubileum da 100 ons lingia Bever - Scuol/Tarasp. Las occurenzas da festa han lö la fin d'eivna 29/30 gün 2013. Ils cumüns vegnan invidats da's preschentar e da preparar programs individuals, insembel cun las societats. Marianne Werro vain incumbenzada, da tour per mans la fatschenda, voul dir, da ponderar – insembel cun las societats, che cha'l cumün da Sent pudess spordscher.

per l'extrat:

l'actuar ad hoc:

